


181  
:3



槐塘詩稿卷五

錢塘汪沆西顥著

沽上題襟集

下

津門雜咏四十七首

朱欄粉堞切雲端如練河流繞郭蟠兩字衛安頌

睿藻從今不數賽淮安衛城明永樂閒工部尚書黃福平江伯陳暄等築時稱賽淮安城

三方列戍儼星羅安不忘危

廟算多新試水犀非耀武太平久已息鯨波

天津地當少海西隈

萊登遼陽左右相望設有總兵營以為犄角

海門百里莽無垠往籍爭疑碣石淪指出逆河歸宿地

笑他聚訟總庸人畿輔通志渤海在縣東南一百十里

水毀金穰肯偶逢

帝籌艱食拯三農北倉倉外

恩如海一派懽聲徹

九重雍正二年詔建倉廩若干間於天津北倉每遇水澇截留漕糧數十萬石以備散賑窮黎騰

飽如履豐年

聖德懷柔感百神洪波靜晏不揚塵兩朝

御墨酬庸重虎臥龍跳轟翠珉天津舊有海神廟康熙雍正間屢加修葺俱頒

波奉御製碑文靜洪賜廟額也

白衛爭趨三會流治河使者展全籌放淤一記宏方略

倚柱休懷漆室憂三會口即三岔河見杜氏通典桂林陳相國觀察時著有南運河放淤記

隄防疏濬指陳盡善載郡邑二志藝文

小海東環斥鹵區空倉翔貴米如珠

殊恩特詔寬洋禁齊樹雙桅出大沽天津地介少海左盛京右登萊邑介

南北之濱土瘠民貧雨暘偶愆每恃二處米石相接濟乾隆元年狼山鎮以閩粵大洋請嚴偷運之禁時部議

內港近地仍不在禁例而天津少海未有明文山海關將軍等槩行查禁二年夏旱秋霖兩麥歉收前制府李

敏達公及總鎮黃公准天津朱南湖使君暫通海運條議先後具題奉旨俞允百萬饑氓竝歌康阜矣雙

桅單桅海舟大小名大沽口河流入海處也

海津作鎮劇蒼涼七姓殘元始啓疆為問咬兒同朵罕

阿誰數典不曾忘

元史延祐三年置海津鎮於直沽舊志稱天津初止七姓李咬兒只朵罕

皆設衛時所徙官籍

豆子航邊夜射魚潮痕初上柳風疎千年劉格芟除後

金鏃猶耕出廢墟

地理今釋豆子航今鹹水沽隋書豆

劉霸道聚眾於此方輿紀要大業十二年賊帥格謙據豆子航稱燕王王世充擊斬之

辛苦何辭杭稻輪樓船萬斛轉東吳黑風幸免吹兒墮

釀酒椎牛祭直沽

元朱瑄張璧創議海運歲輸江淮米三百餘萬石得便風十數日即抵直沽

藍田雨過稻花香吠蛤聲中趁夕涼喚作小江南也稱

僧衣一帶抱迴塘

藍田在城南五里康熙間總兵藍理所開水田也河渠圩岸周數十里召

閩浙農人課種其閒得田二百餘頃車戽之聲相聞遍野土人號為小江南云

天后宮前泊賈船相呼郎罷禱神筵穹碑剔蘚從頭讀

署字都無泰定年

元史泰定帝本紀泰定三年八月作天妃宮於海津鎮此則天津立廟之

始舊志及碑碣皆不詳

秋草離離魚化橋科名盛事記前朝一枝仙桂重攀掇

赤鯉蘭舟潑刺跳

魚化橋在舊衛學泮池上明成化乙酉有雙鯉躍過是年劉鈺衛林同領

鄉薦故名雍正丙午金庶子相入都秋試途次有鯉躍入舟中是年發解第一

中春積雪一灘明好趁東風蕩槳行試問熬波人在否

暝禽啼上角飛城

水經注趙記石勒使王述煮鹽於角飛城角飛城即漂榆故城在天津府

東

浣俗亭開十畝池傍池雜樹帶花移軟紅百丈都拋却

清劇吾家金部詩

汪必東崇陽人正德十一年由戶部郎中出任天津戶部分司構有浣俗

亭賦詩云十畝清池一壘臺病夫親與翦蒿萊泉通海汲應難涸樹帶花移亦漸開小借江南畱客坐遠疑林

下伴人來方亭曲檻雖無補也稱繁曹浣俗埃

駮駮高閣接青冥甲乙籤排貝葉經靜倚闌干看落照

忽聞天半響風鈴

稽古寺有藏經閣一名鈴鐺閣傑峙西郭可供遠眺康熙中釋含光重葺

竹垞檢討為記見曝書亭集

元日晴光畫不如靈慈宮外門香車琉璃瓶脆高擎過

爭買硃砂一寸魚

天后宮舊名靈慈宮歲朝閨人咸走集焉宮前有鬻小紅魚者以琉璃瓶

貯之

綵繒葉葉接檐牙子夜風吹蠟蕊斜百病踏殘歌吹冷

長街拾得七星花

津門燈市繁盛遠逾別郡上元日閨人夜遊名踏百病七星花津人新製

步搖名

河東河北結長繩連臂來看草把燈繞盡黃河剛九曲

蛭脂焰吐一層層

草把燈築塲數畝縛草為之高下然炬如畫中盤旋可十餘里遊者每迷

所出按日下舊聞載有黃河九曲燈即草把燈也

落燈風過才旬日卜取豐年碌碡場方約羅灰同打囤

又呼布穀共填倉

津人於正月二十五日羅灰於地作囤形名曰打囤中置穀少許曰填倉

為豐歲之兆

宜亭如笠倚斜陽堤上青青柳萬行為囑行人莫攀折

長條多是召公棠 宜亭在城西演武場月堤上康熙間朱觀察士傑建繞亭夾植楊柳行者

忘暑今廢

非驢非馬骨權奇 昂首高沙嶺下嘶 殺賊未能能捕賊

棧前肯尚戀枯萁 鹽山王某客寶坻一日挾貲宿天津海口早行至高沙嶺為盜所殺所乘

羸急走舊旅店以首擊門若訴冤者館人未悟也牽置廢中悲嘶不食旋躍出戶奔至尸所遂得王某見殺狀

聞之官捕盜而寘諸法

舉足秋鷹平楚颺 居庸不憚驛亭長 肯教作伴還鄉里

那學壺公縮地方 王義天津人其行也嘗自天津至居庸一日往來八百里因號八百里人

身瘦小不多食飲惟日噉二麥餅脰毛長一寸許舉足秋鷹頃之滅沒每當平沙曠野欲止則直奔一樹以兩

手抱樹其神乃定抱樹不牢則兩足又踏空馳去

穀雨才過芒種前 魚腥入市不論錢 鼠師未識江瑤柱

絕倒訛將海刺傳 近海產江瑤柱土人呼為海刺

驛路垂楊色乍勻 絲絲如織拂河濬 曾來只欠蘼蕪綠

五字空吟潘舍人 楊青驛舊屬武清旋歸靜海今隸天津長安客話楊柳青地近丁字沽四面多植楊柳故名潘舍人季緯

詩客路蘼蕪綠人家楊柳青

河東屈曲水拖藍 五五三三燕子龕 好是一層樓上望

遠帆如鳥屋如蚶 河東佛寺頗多一層樓在大悲院後

秋漲黏天迥不分 青蒲獵獵水泆泆 一坏知屬陽侯護

剪斷銀波四烈墳 秋霖浹旬積潦彌望獨四烈墳孤峙水中不沒四烈者陳諸裘金四氏也

麥田刈得壓車翻 餅餌風吹香滿村 何處午涼堪卸馱

青帘斜飈小黎園壓車翻靠山黃水裏紅俱麥名見河閒府志小黎園頭在邑南

花天月地門觥籌占盡春風紅墜樓今日重尋園一畝

燕泥無賴宛簾鉤紅墜樓在一畝園魯菴張氏別墅

入室漁洋詩弟子六歌聲價六街喧誰教渴葬棠梨下

腸斷西風溫序魂徐蘭字芝仙紹興人後家常熟暮年緣事謫死天津著有出塞詩及集唐

蒙古象棋等六歌極為新城尚書賞譽

湘公禪藻清無敵語帶烟霞自卷舒壓架葡萄延舊綠

草堂人去渺愁予釋湘南名成衡嘉興人工詩畫著有一笠等集葡萄草屋在寺西偏

臥松閣畔秋蛩絮慎雅堂前暮雨繁欲喚詩人魂不起

簞聲悽絕老夫村臥松館笨山張氏別業慎雅堂芝梁梁氏舊宅老夫村舊名甯園後為東

溟龍氏別墅三君皆津門詩人今得見者惟龍氏玉紅草堂集

麻衣如雪泣松楸丙舍天寒睫血流墓外雙頭荷早謝

隣人猶指舊虛舟宋舊山名真儒江南蕪湖人僑居天津親死廬墓三年過者無日不聞哀

號也墓前池內荷開並帶人謂孝感所致虛舟墓傍屋名也

門外河流燕尾叉門前楊柳萬行斜拾遺分取雲孫住

從此村呼小浣花浣花村在城西五里前臨大河杜氏所居

出郭嬉春花事繁康園才過又懷園二分脩竹三分水

畢竟終推攬翠軒慕園老人構園城西號水西莊中有攬翠軒枕溪廊數帆臺候月舫繡野

移碧海浮螺亭藕花榭花影菴課晴問雨諸勝康園在城外東南隅今歸牛氏名南溪懷園王氏別業城東五里

吳綾灑遍湛園墨姜編修越紵歌殘秋谷詞趙宮贊更

有蓮洋老徵士吳垂虹榭上日題詩垂虹榭在張氏一畝園張氏傾貲結

客前輩若梅定九朱竹垞查初白查浦朱字綠及姜趙諸公咸主其家時人有小玉山之目

淳泓七井何年坎擔水人憐頰兩肩爭是楊家岑畔住

煮茶日汲馬蹄泉異泉井甜水井文井兩山井雙眼井廢馬蹄泉在楊家岑沙陵旁

深尺許周二丈餘甘美可飲

設險曾傳遏颶風七臺環峙海門雄而今王會通重譯

零落旌竿夕照中郡城外環列戍臺七座傳為前明嘉靖時防倭而設

不櫛書生不畫眉傳來豔絕海棠詩若教玉秤稱才子

壓倒樓頭舊婉兒閩秀許雪棠過時不嫁工詩文閱不示人傳播人閒者惟十月海棠二首

而已

青竹幾叢誇庾信芳蘭夾徑擬羅含城中不少連雲第

可有清閒似屋南蓮坡曩季新闢小園於道南顏曰屋南小築夕膳晨羞以賦白華之養午

晴樓花香石潤之堂送青軒小丹梯玉笠亭若查讀畫廊月明擫笛臺萱蘇徑皆小築中勝處也

春網家家薦巨羅鮓魚風味可同科樽前也有淵材嘆

縱說騰香恨刺多畿輔通志巨羅魚一名騰香魚細鱗多刺天津出

鷓鴣鰈子小於萍販得鮮回盡入城青鯽白鰕充饌好

登盤須遜女兒鯉裙帶鯉女兒鯉並產泥沽葛沽等處

生計惟憑舊釣車魯魚網罷網羊魚更臨葦岸烹回網

便噉西施乳不如魯魚羊魚並出天津見畿輔通志回網魚不受釣餌遇網即回漁人以父

得之味腴美冠水族俗訛鮑鯉

故人多感促南轅旅味緘書僂指論二月河鮑十月蟹

兩般也合住津門

天津衛志津門蟹肥美甲天下蘆芽苗岸河鮑壓擔皆是長安貴人每急

遞致之

水月池邊啼夜烏舊遊如夢總模糊三更被酒城南路

記買橋頭巨口鱸

水月池在城南水月菴旁城中有水窪五此其一也志局向設校士館適

當其地三更買鱸紀一時酒豪會飲八人落落皆晨星矣

班班車子入河閒歸路應知一破顏惟有吟場忘不得

尹兒灣接信安灣

方輿紀要尹兒灣在城東信安灣在城西北按尹兒灣即今北倉左右方

輿紀要說似誤

水經山誌費爬羅耐爾零編蝨簡何儲說暫畱添掌故  
漫勞譜入竹枝歌

堇浦以和胡稚威賞丁香花詩寄示并督次韻  
因撫拾舊事答之

丁香一樹垂垂發曾對春風斟酌之吐萼又成排日讌  
抽帆獨悔渡江遲迢迢清夢縈千里冉冉濃香憶昔時  
會少別多花莫笑燕鴻踪跡本難期

初夏坐清機書庵儉堂索予去年南歸詩錄自  
滄江至濟寧諸作應之渡河後實未成一字也  
儉堂故為謾語督之益力憶白石道人昔遊

詩如千首爰倣其例補成五章不足言詩用代  
記里鼓可耳

打鼓渡長河風帆健于馬  
戔戔韓侯臺單舸泊其下  
天寒淮樹青日落楚山赭  
起沽一斗酒浩歌泪盈把  
王孫無時無誰爲漂母者

朝發公路浦夕宿甓社湖  
湖連三十六纍纍如貫珠  
竭來秋風篇懷古心煩紆  
秦郎天下士豪氣騰菰蘆  
一揮黃樓賦健筆驚髯蘇  
筮仕雖不達聲名聳八區  
寫經亦何罪迺爲宵小誣  
藤州夢不返流恨滿蒼梧  
至今孟城上月黑悲啼烏

曠野羣雞號岸草露溼溼  
忽報潮大上榜人前後語  
風利不得泊張帆出江滸  
纔接潤州山已失瓜洲樹  
涉川固所懷垂堂亦時懼  
回首望昕霞天水漾容與

昔聞桑苧翁水味淄澠辨  
惠山孕神漿謂亞中冷善  
風具嗜茶癖茲遊願當踐  
天公慳良緣顛風軋我編  
都籃負提攜望山面有覩  
暫依鷗鷺泊遐思落層巘  
澗泉琴筑鳴嵯樹丹黃變  
寂寞一梅亭誰與薦茗薜  
懷哉王舍人高情竹爐卷

行行入吳會接水排千艘  
朝遊閶闔城暮經南北壕  
摩肩人聚蟻騰口市沸蜩  
交衢不盈丈層樓架岩堯  
可憐

木坊言和 卷五  
撮土地而等黃金翹此邦富山水名蹟紛牛毛如何避  
若浼袞袞逐錢刀雲寒塞雁至波冷江楓凋垂虹好秋  
色去去凭長橋更擬采蘋香緘情薦三高

清機書庖伏日分咏得紫龍髯拂

誰人從領摘當暑執來宜縱失驪珠探猶含尺木姿王  
郎矜麈尾名士愛松枝異物何須寶冰山徒爾爲

觀魚

一勺玻璃水輕儵銜尾遊樹陰涼卓午人意愛臨流頗  
識江湖趣知無網罟憂濠梁真不遠此樂問莊周

七夕夜極涼與楓溪對鷗小酌同賦

熟客能來不待招晚風如水洗炎熵每逢佳節傷爲客  
且借清樽餞此宵銀漢無聲光滄滄畫屏有夢路迢迢  
人間巧未全勝拙枉笑癡兒拜鵲橋

花影菴試酒斃歌

能書不用宣州毫懸鍼垂露腕徒勞善射不彎霹靂弓  
穿楊貫蝨難爲雄自來酒人重酒器器好小戶亦忘醉  
花影菴中樹酒兵半酣改席重揚觶斥銀鑿落金叵羅  
甲杯兼謝紅鸚螺名斃次第羅滿几佳者汝定柴官哥  
宣窑質薄永窑厚晚出擅場吳十九浮梁人工製斃器近今年  
窑更精絕一一過花斟在手當筵何羨力士鎗景升三

雅空畱名琳瑯觸目莫孤負痛飲且復窮千觥市兒休  
矜玉卮好玉卮無當不足寶何似太璞全其天田舍瓦  
盆堪共老

泛舟遊懷園同蓮坡朱導江李子牧對鷗分賦  
林館翳然靜披襟水榭宜酒人嵇叔夜地主鄭當時柳  
外蟬聲聚鷗邊帆影遲日斜涼意滿倚檻捋吟髭

移竹爲蓮坡賦

我家小眠齋脩竹近百竿別來踰兩歲無由訊平安靜  
侶有雅嗜愛竹如愛玉水西栽滿畦百回看不足人言  
此君好何可一日無遂分城外種移植城中廬是時新

雨過翠色侵蒼苔葉閒清響滴林杪涼颼來蕭疎張廡  
宅幽森蔣詡徑嘯咏忘朝晡人與竹俱勝東遷憐榴鬱  
北徙憂橘彫誰能似貞柯不變干青霄

蓮坡以文彭摹印一方見贈作歌謝之

致身自笑無文章纍纍之印輸提將執筆又未管戎羌  
何能斗大腰懸黃誦周說孔稱陶唐字學聊爾窮偏傍  
蝌斗篆籀墮渺茫摹印獨存漆室光神奇工巧誰擅場  
陽冰倡論語實臧姜夔吾衍互頡頏有明製作蝨綴裳  
停雲館主師子王南都掌教聲價翔諸生講究大雅堂  
餘事獨愛翻三倉下筆切玉如截肪何主臣外盡斂鋌

歷年至今三百強片石不啻千明璫故人持贈出縹囊  
 瘦蛟蟠屈紛低昂陋彼劍拔同弩張佩刀只合歸王祥  
 奇石應付米老藏我手十指直且僵眯書憎畫慚面牆  
 投閒置散為石傷欲畱不可意徬徨半生瓠落鬚眉蒼  
 詩書滋味久益長感君勸我意獨良石交之誼何時忘  
 嗚呼石交之誼何時忘 印鐫詩書滋味長五字

水琴山畫堂咏物八首

點波款款飛翅比雲母薄有時立釣絲風吹不禁弱調  
 飴戒莊辛曷云去寥廓 蜻蜒  
 微質乘陰生冠角峩聳聳跳躑緣高枝黃雀患隨踵知

進不知退徒矜搏輪勇 螂螳

切切燈下鳴四壁聚如雨虛堂耿不寐靜極耳無迄足

代簫管音此義試參取 蟋蟀

畫扇同雀妍珥冠伴貂佼高栖兩不羨飲露亦稍稍莫

笑常苦饑絕勝蜣螂飽 蟬

簾垂密難入幾點隕高館移榻趁竹涼月黑飛夜半風

定竹閒稀風來竹閒亂 螢

逐氣不知疲營營止於棘當餐正轉多搖頭復鼓翼杯

盂恣爾求慎毋變白黑 蠅

豹腳夜羣飛飄飄輕柳絮利背不避人潰腸罔知慮下

策出火攻薰檐逐隊去蚊

懸空織晴網縱橫見條理螫物本無心歸斯受之耳惟

媿箔上蠶吐絲空爲己蜘蛛

送楓溪之曲周

心親無貌敬與爾久周旋同客已多感相離轉可憐黃  
花海津雨秋色木門烟眼底詩人賤空吟寶劍篇

佟鐘山中丞爲予作花塢卜居圖賦長歌謝之

自題其後

半軒居士七十八雙瞳點漆秋毫察遺榮不羨二品官  
萬里青蛉早回轄遂初歸賦近卅載羣籍鑽研謝埃坵

甌無儲粟坐無氈日日吟聲響鏗夏暇將逸興畫雲山

同輩高其岱足頽頽圖成親沐

九重題御製樂善堂集有題中丞山水詩云那許人閒

求筆札居士愛我不我拒拂楮揮毫狀幽北無多松樹

影羅羅幾點遙山青鬱鬱清蒼瘦硬可通神力掃凡庸

一幟拔憐我懷歸未得歸故鄉空負尊絲滑素壁高張

作臥遊眼明此夕金鏡刮

送勿藥還里

迢迢望都城烟樹三百里首夏聞君至不啻楚然喜雖  
未攬君祛月接書十紙人事怨參辰相阻衣帶水昨朝

有客來告君行歸矣念君旣煩紆送君情曷已我住在  
筍魚君去離筭矢脩途慎起居北風原上起

寄朱竹塍

不聽清歌喚奈何紛紛楓葉下江波思君爲檢君來札  
還較家書一倍多

雪後過水西莊

喧栖厭城市躡屐水西莊落葉覆殘雪空亭上夕陽酒  
人閒徙倚雲物冷相將亦有盧鴻願何年卜草堂

壬戌冬假館蓮坡水琴山畫堂堂東偏爲予書  
屋冰雪中畏寒不出兀如退院老僧曉窗閒寂

忽憶家鄉梅事爰檢行笈得畫梅數幀又遍索  
同好善繪者爲南枝寫照長縑短素冷蕊疎枝  
一一張之四壁昕夕臥遊渾忘此身之在七十  
二沽也山陰劉翁雪舸爲書梅花世界四字揭  
之門楣因自成斷句三首并徵好事者和焉

著眼何須問假真典型尚有影橫陳若教暮暮朝朝對  
絕勝人間食肉人

獨舞傲傲入醉鄉滿身花影滿衾香最憐月落參橫後  
縞袂仙人尙在傍

惜花每爲花煩惱一信風過愁不禁何似寒英圖裏好

楊坊詩和 卷五  
笛聲吹徹總成林

七峯圖爲周月東題

玉鏡堂中有逸客不嫌好古人嘲癖門攤市集恣搜討  
入手緗縑如琪璧或時摭拾金石文秦摹漢勒牛毛紛  
昨年購得小鈴印珣玕徑寸蟠朱紋上鐫七峰雙字好  
便著頭銜拜新號暇呼能事繪作圖邀客題詩雞距掃  
我昔曾讀真誥篇名山三十六洞天峰獨者蜀屬者嶧  
七峰何地相鉤連母乃婆羅舊亭子離立孱顏三與四  
此圖雖與此石符取義懸知匪由此高人寓意意不畱  
強作解事徒啾啁試看縹緲碧無際心契鴻濛象外遊

沈貞女詩

在家從父嫁從夫禮經有訓妾敢渝納徵旣字徐家子  
妾心誓與同生死從一而終義如此入門拜尊嫜尊嫜  
莫劬皇由來妻道比臣道不學王珪魏徵千載令人誚  
閏七夕重至天津飲蓮坡水琴山畫堂分賦  
隔歲蹉跎轂觥車今朝真箇攬君祛人來絕徼竟難料  
會問雙星較孰如鬪酒半猶前度客堆牀都是借鈔書  
相看豪氣依然在只怪頭顱白過初

東堂觀劇有感三首

衣冠優孟醉模糊從古神仙屬酒徒竿木逢場聊作戲

童心還憶昔年無

記辛酉上元夜演飲中八仙事

澹香樂句染香笛不聽清歌近十年今夕東堂競絲竹  
為渠怡悵罷觥船

生憎催別苦匆匆聚散無端一霎中久識人生同爨演  
消魂不待管絃終

竹閒樓張燈觀月二絕句

小樓低俯樹層層涼滿闌干試一凭絕似芙蓉初出水  
冷紅朶朶颭湖棱

交光倒影互澄鮮照入青鸞尾更妍縱少當筵珠一串  
分明已占四嬋娟

西顥將行夜集竹閒樓詩以送之

查為仁 蓮坡

君來沾水纔三日便向筵前聽渭城惆悵花枝雲影  
地十年前事最關情

別緒離愁疊萬千匆匆握手更堪憐正須買夜燒鐙  
賞難得新秋月閨圓

梅花一屋為君畱香影橫斜入座週數載吟情何處  
著好風亭外竹閒樓

君挂征帆我奈何臨流一曲颭微波此行莫便時相  
憶秋雨秋風入夢多

同作

吳廷華 東壁

踏月曾經燈市喧西風喜子共清樽魚龍不擾秋宵  
靜兩度中元勝上元

遊跡行歸榕樹林梅花世界入懷深南臺夜市燈如  
晝誰伴詩人月下唵

厲 鶚 樊榭

燈映迴廊月上樓交光特為故人畱空庭荇藻浮沉  
影襯出紅蓮竹外秋

今夜燈筵作夜歌歡悰無奈別愁何來朝回首西津  
路明月盈盈秋水多

吳可馴 南澗

鐙映迴廊月映空品題好趁竹林風入雲高唱新裁  
得不必清歌聽解紅

露華吹冷碧琅玕話到離愁酒欲闌人事可如燈月  
影祇憑一餉結清歡

槐塘詩稿卷五終

槐塘詩稿卷六

錢塘汪沆西顥著

盤西紀遊集

天津北接白河之水南接衛河之水由直沽以入  
海東西二淀四隅皆水百里無山頗乏登臨之趣  
乾隆辛酉八月查君儉堂發興爲田盤之游脂車  
盤山遊經旬日迴都復作西山之遊又復旬日前  
後得五古詩四十二首兩山之遊冠絕平生夢寐  
猶時憶之同遊者秀水萬循初山陰吳文錫子及  
儉堂也

自蓮花池至天城寺

弱年慕山棲甘若蟲食蓼一從海津住愛山見山少同  
調有微尙巾車謝氛擾信宿指盤龍到來心目悄觀空  
悟沼花耽寂戀巖鳥行行逢驅鴉導徑穿蘿蔦乍歷曲  
磴高漸進羣巒窈何處星星鐘紺宮出林表

江山一覽閣

化城聳屢屨翠屏良其背傑閣結構牢凌虛石棧配俯  
瞰左右峯兩腋抱蔓藟恭聞春載陽偶駐句陳隊  
奎章揭雲楣光敵珠百琲豈伊象教崇  
省方流汪濊我來踐金繩靈境豁煩憤旃檀逆風聞定

鴿結趺對願翻淨明經一龕乞掃漑

歷東西兩甘澗遂上獨松坪

言尋雙石橋意行恣所向崖石鬪礫硿肖物匪一狀直  
疑鴻濛初斧鑿出巧匠躋攀不知疲浴緣每獨往晚煙  
山帶橫夕澗水衣漾徑轉凌崑寄一松占高曠託根莫  
嫌孤特立物所尙

淨土菴法天上人出觀明隱士李光四琴

隱士名孔

昭薊州人明末進士匿跡山中負薪養母有達官求之詭詞遁去

明網墮不振解絃誰爲更棟幹橈莫直鼎足折盡傾夫  
君黃鵠舉采薇逃其名抱琴臥空山往來惟蒼麀拾椹

蔡順志鑿坯顏闔情碧血化已久遺徽重瓊瑛老僧感  
往事請彈一再行色抱太古色聲含太古聲拂軫不成  
調松風咽瓶笙

將至古中盤誤墮樵逕行三四里始達

蕭辰風日美策杖興齊驚林巒互蔽虧富覽愜殊趣道  
逢樹下僧畱憩謝不顧笑語入榛芳奔走脫羈鼻詎識  
快心地人生有跼步徑削劣容足草滑不受屢瞰虛目  
屢眩梯空色先怖上無藤可援下無約可度我生非猿  
狻登高敢忘懼

五松堂避雨

濛濛東峯雲吹度西峯頂縣延溼不分積翠萬重冥穿  
橋入名藍一杯薦苦茗俄聞羣樹喧雨腳散修綆不愁  
角巾墊詎免行勝濘蒼髯五丈夫離立似相請一徑詣  
其下黛色落衣冷葉密溜難到天漏光微炯戀此未忍  
去淡日逗前嶺

中盤寺

雨磴淨於拭徐行下松岡微風忽披拂餘滴濺衣裳寺  
外叢古碣金薤紛琳琅下有擘窠書半陷鴛舍牆一僧  
野似鹿畱客坐匡牀砌花沐新霽廚藥蒸幽香且從松  
下飯還覓休糧方

入少林寺登多寶佛塔下觀紅龍池

孤塔壓山椒，截嶽湧千尺。畫拱礙行雲，金輪傷白日。締造縣一紀，役罷萬夫瘠。可憐福唐捐，憑欄發嘆喏。側身下仄磴，清池湛虛碧。藉草弄潺湲，墜葺鳴撼撼。神龍何處潛，輕儵戲萍隙。好事懷前賢，題名記除夕。

書上方寺百超上人壁

阿師證上乘，禪燈傳北秀。單丁住巖腹，道腴面則瘦。卅年不離山，門掩綠苔厚。見我作吳語，依依眷親舊。汲泉自敲火，欲去頻把袖。牧牛出妙偈，義究六通透。餉客一笑譁，莫是摩沙豆。

時以青豆啖客故及之

夜坐小縹雲屋戲作呈同遊諸君

看山如飲酒，方飲不計病。又如讀異書，一夕必求竟。飲多體爲飭，疾讀忘名姓。朝來記所歷，得毋二者竝。茲山饒靈踪，寓目足眺聽。我情類賈胡，我步慚下乘。語罷各不膺，垂頭作甘瞑。

由東竺菴抵雲罩寺夾道上下皆松

禹貢述海岱，魯頌稱徂徠。何如此山松，託石盤根荦。清晨茗粥罷，鼓儻赴崔嵬。翠浪逐澗湧，綠雲緣岡來。陟降二三里，所見益奇詼。萬松幻萬態，一步首一回。行行入層靄，鳥道窮紆迴。突然天風至，衆壑騰喧豗。驟作濤瀨

集微韻笙簧哀耳目發靈祕胸臆超氛埃我欲喚張瓌  
作圖染烟良惆悵不可得奈此梁棟材

挂月峯寫望

振衣凌絕嶠一覽大千界羣峯小培塿俯視頂浮髻宿  
霧時半斂決背窮所屆塞垣縈縷絲山郭布方罫由來  
曠士懷超然破世械矧茲仰天風萬籟激秋噫遠望詎  
當歸高歌且爲快安能同寒蟬日月坐流邁

過陶元洞贈馬鍊師

山勢隱奔峭不宜上宜下俄頃歷數峯一洞裂巖罅廣  
深纔及仞紺閭冷無藉中有採芝侶高視九琳舍生年

誰滿百辛苦營臺榭轉燭難久居紛紛委灰化至人識  
其故不樂尺椽架瑤房本虛無丹邱亦巧借惟有厂下  
居仙驥可長跨

青溝禪院見一小蟲四足首微紅背黑白相錯  
凡九道尾前綠後翠詢之院僧曰此山中噴雲  
虎也天將雨則口吐雲狀此蟲不見載籍賦此  
以廣異聞

有蟲類蠃蜒采績逞麗質傳聞山將雲先作觸石出么  
膺抱微靈宜自養其乙奈何參罌益甘受搖尾怵豈爲  
黃神驅或困赤刀術笑無炳蔚文奚暇窮名實

楊坡詩稿 卷六  
謁拙菴大師塔盤山誌師手輯也

蜿蜒田盤山箕尾作巨鎮名勝櫛髮多遊軫繼鞞勒惜  
哉古圖經隨風墮劫燼師具龍象力雷霆走筆陣貞石  
共古金一一細爬濬軼事補桑欽遺文掇王隱遂使入  
山人幽情得徵信棗木鐫梵宮來者寶瑜瑾太息蟬蛻  
去無由覲吟鬢一龕閱秋山青蚓裊香印誰紹馬鳴衣  
操觚重撫摺

中秋夜翠屏峯下對月

遲月躡層臺上方罷鐘磬矯首望東山蒙密松杉互皎  
魄低未升洩雲流無定寥寥一餉語飛上大圓鏡念昔

鷲峯遊素練委幽磴奇絕詫三五桂子落滿徑誰知空  
山中又遇月端正清暉散重崖交枝互宵映夜深涼露  
繁羣籟諸天靜一規高不移光炯冷逾瑩徘徊塵慮捐  
寂歷心垢淨獨悟不可說風泉寄遙聽

歷亂石村徧遊感化天香千像諸寺

梯幽出山北選勝來山南肩輿夾兩木挺挺走趨趨騎  
者雜前後蝟徑披榛探居民四五家屋小圍杉楠生計  
半樵採頗愛淳古舍是日秋氣澄天光浮蔚藍吹衣風  
舒舒快若喉豁痰勘碑捫蘚井問樹停珠龕行憩昧遠  
近忽爾涉寺三中喜妙祥僧即天香寺禪藻詮雕談畱客十

笏地窗際浮烟嵐高峯指紫微秀插芙蓉簪坐久薦烏  
裊止渴捐都籃絕憐世外味澀舌存餘甘我生牽物役  
東裏羞春蠶惟於水晶域著腳樂且耽息壤儻不負定  
縛香茅菴

盤泉石觀水

隔嶺聞潺潺尋聲不知處納踵轉坡陀瞥見浪堆絮羣  
流爭一壑飛沫竹箭去想當瀑漲時雷硯駭灑瀨稍進  
淺可揭落葉浮黃菸三掬三嚙之何必紙囊濾其上石  
如削其下石如鋸愛之坐須臾接飲林猿覷

歸宿東竺菴

貪遊忘晷短暝色四山起崖樹變陰翳飛鳥去不已腥  
風恐行人別徑下樵子入寺上佛鐙聊凭曲木几

如如亭曉起

山風撼客枕一夜驚虎哮掀林怒不止欲捲三重茅聲  
喧心轉寂因依初地巢熹微曙光入窗鳥鳴喈嚶起著  
木絲裘學打林僧包開門跡來路黃葉封山坳

嶠嶢峯在上方寺右摧巍鬱峩奇秀拔地百上  
人邀余重過其寺眺賞同作

遠公導我路層層旋螺曲羣行松樹閒上下互往復隔  
林見寺門旁挺一峯獨入坐大樹堂

堂在寺中

峯陰倒壓屋

四覽歷衆妙翻悔昨去速堂下洩幽竇琤潺奏琴筑何  
當結夏過雨枕看飛瀑

雙峯寺

古樹倚雙峯遺構架礮礮年深棟桷摧石礮平復頗庭  
空衆草羅垣敗寒藤裹白日氣幽悽時見鼯鼯邏癯僧  
背偃僂引我梯其左殿佛劇荒涼金鑱足半跛欲前意  
趑趄老瓦爰將墮出門望遙山青蓮攢朶朶盛衰無地  
無涼借松陰坐

入都一宿復有西山之行出廣寧門作

食魚難兼熊得隴莫望蜀人生無止境達者戒知足山  
林俗不爭遺榮亦遠辱所以物外遊嗜好未嫌篤東山  
復西山幽情前後續遙峯削孤棱百里遞聯屬駕言出  
郭門引睇眄蛾綠戰風黃葉隕翹水輕鷗浴暫辭塵坌  
喧行騁煙霞矚選勝期窮源六聘訪高躅

皇姑寺

暮投西皇村餘景西岡匿駮駮蓮花宮交衢騫四翼霧  
閣金扉逃雲拱玉繩逼云是阿潘居千指聚一闕皇姑  
事虛渺流傳異子墨抗疏火其居桂萼實人特誰與秉  
國成讜論止姑息古者聖王化男耕婦司織比戶婚姻  
時率土萬物得蚩蚩嗟爾民背義長邪慝佩失繫表儀

木坊詩和 卷六  
服毀笄總飾亦知酒食議籠袖作螟螣王道今蕩平陰  
陽無否塞縱少瑤光譏反經曷云亟

祕魔厓

龍爲神靈精變化不可參何來大小青忽幻兩角卯古  
厓紀盧師當年此息晏驅雨肆滂沱往牒半疑眩一柏  
根蜷枯雜樹披莢薶欲問尸陀林巉絕阻雲棧迴身眺  
高閣爽氣入瞻眇秋容淡無迹遙天去雙雁遺踪邈難  
期惆悵下碧澗

題臥佛寺僧勗宗房

夙讀梵刹志兜率結遐慕誰意筍皮鞋竟踏杪樞樹勗

公秀兩眉多年此山住放參作詩人卷有碧雲句坐客  
燕子堂心諧靜者趣穴垣泉暗鳴隔嶺日斜度窗竹曳  
青瑤幽響發微悟杜口學毘耶泊然遺世務

由退谷亭至櫻桃溝

入谷踏山葉有窟藏煙霞

隆教寺門題曰煙霞窟在退谷寺左

一亭翼其

側藤老垂鬢髻侍郎昔寄躅讀書謝囂譁人去名獨存  
榜墨蠖蛸遮緣源躋澀磴巖樾交紛挈接筧竄泉脈曲  
折縈秋虵時作幽咽語滴滴鳴箏琶丹楓指前塢翕絕  
驚繁葩卽此足悟目何必春風花

五華寺棲雲閣

五華古道場高出飛鳥上檐端宿白雲鳥下疊青嶂地  
迴心以超境絕情逾曠久之落樵音丁丁荅梵唱

碧雲寺

山坳日軌吐殘露滴槐柳際曉度石橋穹構感摧朽寶  
旛蟲蝕餘畫壁塵封久脩脩嘯雲亭幽篁更何有階列

翠珉五大書耀巖藪中憤媚闖作乃出宰輔手

中二碑  
顧秉謙

魏廣微撰文  
爲魏忠賢立

徒乞委鬼憐詎免來者詬不如賣地券鐫

詞無媿丑

青鞋踏雪志碧雲寺有小石  
幢刻元中丞阿里吉賣地券

登香山來青軒

齋心謁祇園不憚石路滑蝨道陷欹斜拄杖上岑樾負

絕來青軒諸峯抱崑岫開襟俯百里微茫見城闕平楚  
暖輕煙遠樹稠於髮西山三百寺獨此表蒼突嵯峨祭  
星臺望望不可卽塵韉苦難畱仰媿凌霄鶻

遊宏光寺取柏徑而下

山寺紛鉤連出寺又逢寺紺殿覆團蕉千佛殊位置寶  
鬘粲粲垂香篆氤氳闕一聽魚山梵不唾青城地有鳥  
喚長往轉徑下森翠盤盤古柏林夾道密無次青憶結  
層雲商飈起涼吹登頓忘體劬所見各仁智

法海寺

停車我僕痛浙米午將飯山椒見紅牆隱嶙出鹿苑拍

手高興發直上凌翠坂一塔冠寺門入門寺仍遠三憩  
始達之野菊豔叢畹室饒竺氏書我欲窺其闢妙諦可  
療飢莫愁歸路晚

龍泉菴

泉從大龍頭伏流小龍口微竇滴琤琮日拋珠幾斗有  
客不解飲指泉甘若酒我笑瓢斟味還能知味否山深  
地氣溫海棠開滿牖嫣然玉頰舒似矜顏莫耦春葩遲  
秋榮顛倒孰先後持義問寺僧拈花但搖首

證果寺曉起懷水西諸子

秋山斷柝聲但聞露鶴警安禪小蒲團了了心地惺四

更缺月吐萬象入寒影開門悄獨立幽幽亂蒼哽遙知  
西莊人此時夢幽騁

度羅喉嶺步入潭柘寺

幽討阻谿衍入山紆我轂層雲裊修嶺坱圠不易蹴十  
步九舉轡馬如鷁退縮安得鐘崆峒奇秀萃一族夷險  
理難齊萬境有倚伏度嶺地稍曠楓林隱茅屋樹密境  
難測峯轉塗屢複石齒鏗瘦筇藤刺罨巾服平生蓮社  
人心期上方宿

夜宿鳴琴室聽泉

架閣枕長溪溪喧無日夜礪石激洄流灑潄千折下面

木坡言和 卷六  
窻鬱衆樹濃陰落層罅覆溪隱蒙龍淨綠兩爭射宵中  
萬籟寂斂息赤華舍依約十三星泠泠檻前瀉遊心追  
太初澄懷覽大化何用穎師彈至音器不假

觀元妙嚴公主拜輒

有元崇桑門首創資戒會天魔十六舞奕葉竟貽害妙

嚴爾何人史表逃異兌

紫柏禪師語錄云妙嚴公主元世祖女攷元史公主表世祖四

女未詳孰是

不學梅妝妍詎惜脂田勻發願辭翟車超然脫

塵埒禮佛誦梵經投地五體憊香絢畱髻旒宛似兩趺  
欽在昔女子箴言不出閫外此物獨胡爲櫝藏寶大蔡  
響屣凹如箕惑世同一噦莫問鼎膺真貌臺總宜汰爲

語啞羊僧無滌琉璃界

戒臺

石壇冷無塵周遭截肪白旁連波離殿松枝亞屋脊法  
筵拓廓王年禩歷三百卓犖如幻師高座據講席說戒  
闡宗風不讓彌天釋焚香淨心田付衣學面壁定慧同  
法門此義誰與繹願言守八關長齋伴禪伯

遊化陽三慧兩洞上達極樂洞頂

颼颼風枝厲敗葉紛零蕞荒榛藏綫徑詰曲凌虛遶一  
洞邃習井終古昏不曉垂乳燭松明蝙蝠爭撲燎一洞  
嵌嶭岈蒙密挂藤蔦竅上晝恆陰何知胸與眇舍之進

木坡言和 卷六  
逾陡螳度羣木杪裾拂後人頂笠礙前人躄崩崖裂萬  
丈側足立縹緲汗駭額如潘蹙蹙憂悄眇奮力躋其頂  
險過都盧掉入洞噤無聲坐久聞稍稍虎窟氣慄慄啾  
啾啼怪鳥俄焉斜陽斂縮縮人影小履高雖云豪顛躓  
古不少何似安卑棲養拙物無擾

渡渾河望石景山

盧溝流太駛欲渡愁無梁秋老野潦退量之一尺強車  
作牒子漾馬作鳧翁翔失喜薊門路翻若雲水鄉舉首  
眺山麓浮圖接青蒼迴颺起天半吹落替戾岡前年夏  
大水巨浪高岑襄至今金閣寺龍象泣荒涼溯源自陰  
館潞滌鳴湯湯嚙岸苦墊濡先時貴豫防

護國萬壽寺方丈後有假山一區廣周數畝許  
峯巒岡阜巖岫洞磴一一畢具明萬歷閒太監  
馮保奉敕建寺疊石爲之蓋肖普陀清涼峨眉  
三山以奉三大士也

連朝住山中舉勝窮嶸溟好山按圖索自謂無遁形眼  
前驚突兀三山落丹樞銳嶠卑則扈屬嶧絕乃陁重巖  
累峭嶢堂密抱幽冥鬱然羣樹秀上下抽釵葶茲遊洵  
噉蔗佳處又飽經伊予慕禽尙高舉乏修翎何幸剎那  
頃萬里遨僧庭駢羅繚衆碧纓拂攢空青靈境會親到

世網謝拘囹

高粱河道中

澄源出玉泉演漾三十里夾岸柳穆穆不斷青可喜煙  
中見漁舠兩兩集沙嘴夕風颭菰蒲水禽忽飛起流連  
韋杜曲宛轉灞澹埃塵鞅九衢多惟應日過此

槐塘詩稿卷六終

槐塘詩稿卷七

錢塘汪沆西顥著

榕城集

予先後三至榕城客將軍新公制府喀公幕中代  
掌箋奏其間山海之交錯城郭之隱賑風土物產  
之異尙惟於圖籍中求之閒有篇什大都率爾操  
觚故是集之外輯有全閩採風錄以補櫟園小紀  
之未備後之覽者幸諒焉

將赴福州新將軍幕府客有阻之者賦此述意  
坐上交游促應舉書來長者勉科名阿誰會念孫明復

索米因循過半生

帕首鞞刀氣慨慷書生何苦事戎行忍飢獨誦吾能事  
只少全家辟穀方

出廣寧門

蓋白生涯慣受辛軟紅塵裏且抽身多情獨有盧溝柳  
青眼垂垂送故人

河閒縣

河閒姹女河閒婦輕薄爲文哂未休誰弔日華宮畔路  
獻王儒術擅風流

王家營旅舍晤王湛定卽送入閩

七年鴻爪各西東忽漫相逢岐路中借酒何妨澆壘塊  
捉刀不失是英雄榕陰繞郭千家綠荔子堆盤五月紅  
惜別匆匆期後會道山亭上一樽同

次揚州晤竹町知弟在郊已先期北上對牀風  
雨之願又孤積歲題家書尾二律寄之

聞君襜被渡淮河相見無由喚奈何客路可能安寢食  
世途須識有風波大端義利尤宜辨得力詩書不在多  
早晚雙魚頻寄我莫荒家學自蹉跎

歸路風光報子由半騎羸馬半乘舟夢憐春草題郵壁  
目送飛鴻倚柁樓白雪作花辭日下青楊如幕到揚州

燈前暫博衰親笑愁絕難爲匝月畱

時又將入閩

### 桐廬

東風吹我過桐廬瀟灑谿山入望殊倚樹屋多臨水住  
賣魚人每隔船呼將尋藥錄祠空峙欲訪鷓原宅已蕪  
行盡巖灘剛七里畫眉聲裏日初晡

### 謁謝臯羽墓

許劍亭前路參軍剩一坏逃名歸汐社慟哭上西臺絕

壁青楓暗長歌朱鳥哀故人書片碣

謝公死友人吳思齋方鳳葬之并伐

石表零落繡莓苔

### 江山縣道中

梯田流水入平田滴滴如鳴暗竇泉屬取籃輿行緩緩  
此聲孤負已多年

暈碧堆黃錯紫緋分明織出九張機巖花開落無人管  
借與蕘童作地衣

### 建寧紀事

乾隆十三載王正十五日建寧七道橋驚傳羣盜發厥  
名老官齋裹首判布帛五堂五渠魁附者密如蝨女巫  
詭降神謂當百六厄揭竿走郡城驟比狂飈疾是日府  
縣官張燈作元夕惜哉攔子軍三告耳如室桓桓劉游  
擊投履簡師出一戰戈倒奔再戰兔罹畢俘獲滿囹圄

幺膺伏斧鑕誰歟司民社養癯自貽戚除惡古貴盡順  
昌事可怵殷鑒慎毋忘不見鄧茂七

四月

四月閩南景漸炎陰晴難向老農占乍開仍翳雲頭重  
似密還疎雨腳織書帙預防蟬作窟香篝合遣火頻拈  
衾潮枕膩真愁絕乞與樓居定不嫌

寄題茨檐義橋邨齋圖

松里四君我畏友

謂君與杭堇浦  
張曦亮符聖基

憶昨論交子最後子

來我往一巷通兩版衡門那須叩有時有酒興淋漓無  
酒清談亦到酉早年詞賦學齊梁中歲文章法韓柳率

更書法瘦通神尺幅人爭寶瓊玖才高翻被拙目嗤骨  
傲常遭市兒詬浮雲富貴決意拋要使著書垂不朽義  
橋邨接笕橋東識字人稀風俗厚天畱閒地著閒人圖  
史桑麻紛戶牖橫經負耒兩無妨化得鄉人盡茗秀嗟  
余覓食去家江南北團團磨驢走廿年顛顛一青衫官  
職聲名竟何有此地拏舟我舊游田父猶能識某某臯  
亭桃花桐隴梅儘好風前酌大斗何時乞取束脩羊從  
子朝朝開笑口

施北亭輯荊州府志書成旋里辱書存問賦此  
答之

與君五載別形影成商辰去秋自楚反我夏先入閩思  
君不可卽望遠徒傷神歛焉接尺素一喜捐百嗔攤紙  
往復讀風貌儼若親字脚何欹斜文藻頗雅馴亦作寒  
暄語時還露天眞所嗟垂橐歸生計猶艱辛江陵古重  
鎮遠控豫蜀秦熊渠逮蕭梁事難更僕陳誰言名士多  
紀載墮荒榛羨君奮健筆四庫披紛綸拾遺兼正訛圖  
經快斬新書成還舊廬湖上多所欣立言足不朽無爲  
羞賤貧

積雨

海氣釀成雨終朝不放晴旅人傷寂寞煙樹失分明得

意蛙爭聒乘時草怒生眼前觀物理一笑付杯鐺

石碼道中曉行

房舍敞無寐靜聞鼉報更僕夫催客起東炬入林行兀  
兀夢仍續疎疎雨忽鳴煙昏不知處叱犢遠聞聲

雲霄驛

信宿雲霄驛孤城屹海濱百年兵罷燧三月草成茵盡  
變懷磚俗都無佩犢人道逢田父語長吏政如春

雲霄營甲  
土獷悍與里中栗果少年佩刀出入白晝  
殺人於市經制府那公奏禁其風始戢

廈門二首

地維伏復起鰲戴碧天東環島千檣直羣番一水通趁

墟喧蚤戶列屋枕蛟宮咫尺浯州嶼中流對峙雄嶼浯州嶼即

今金門設有重鎮

當年鯨浪鼓賜姓最鴟張遺醜歸臣妾重洋隸版章水犀明組練畫角警餘艘戒備今如此么膺敢陸梁

衙南

衙南有地廣一區昔年曾此安行廚鋤童膳人日來往石磴坦坦通修途何緣鏞閉作廢宅三月不到成荒蕪草長如人徑不辨蛙跳蟲聚蛇藏逋側聞除惡務在盡况復蔓草滋難圖急呼烈炬驅衆醜榛芳次第施耰耜嗚呼我心茅塞良足懼舍本治末何其愚

湛華軒午日宴集

隔水紅葵照座新曲欄干外淨無塵頽然且復酬佳節閒者何妨作主人將軍新公因疾未與飲花徑聽歌前度夢莎廳行炙一年陳丁丑重午宴澹園宮保幕府極觴咏之樂今宮保墓艸已宿矣簪蒲佩艾渾閒事誰把黃金鑄此身

臬奪巢

雄鵲銜枝雌營巢巢成載飛還載遨何來一臬樹顛集擊去雙鵲奪巢入天道好還必降災狂飈一夕巢為摧眼無完卵鳴何哀我謂爾臬鳴莫哀不見失巢之鵲棲蒿萊

老馬歎

骨兀如山阜櫪旁百贅一豆療飢腸長嘶昂首憑誰訴  
灑淚難逢田子方

病中

吾生如寄耳大覺是何時苦器真多累虛舟任所之畏  
風簾不捲嫌汗枕頻移手拗漳蘭嗅悠然默自怡  
世乏倉公術多應藥裏捐陳方各自守素問幾人傳省  
事澄思慮端居慎食眠雖慙蒲柳質差可望延年  
秋色澹如此胸懷不得行呻吟方永日慰藉有同聲相  
戒繙書帙重勞理酒鎗強教凭几起七發誦枚生

王師猶轉戰休抱杞人憂已納康居款行看疏勒收弃  
繻違夙志磨盾愧良謀傾耳鏡歌入沈疴一夕瘳

送輿瓢歸杭州

閩江邛岨正相依怪底離堂忽賦歸萬事由來如意少  
三秋可奈故人稀臺符吏牘愁難了野鶴孤雲羨遠飛  
似我勾畱同嚼蠟莫論蛙瘦與熊肥

贈楊鏡水

詩是君家事門風自昔殊高名齊范陸秀句駕王盧一  
卷忽相餉孤懷感不無年年壓金線此意獨踟躕

傳道

傳道汀州信挑燈欲廢眠方披疑獄集忽報捋鬚錢投  
杼驚應起明珠謗偶然龍江風浪闊愁絕下灘船

噉荔不及十顆賦以自嘲

堆盤鮮荔似頰虬雙頰津津玉液流我與世人殊嗜好  
每逢佳處輒思休

送王古鐵還里二首

豈不畏炎暑遄歸戀舊林離亭慳會面長路劇關心傲

僕因貧去孱軀怯病侵道逢南浦客謂唐或贈買舟金

家有野航集令祖赤抒先生著有野航集流傳翰墨林門才堪繼躅

旅食負初心劍浦溪流合霞關嵐影侵每逢佳處咏勝

載百兼金

破紙扇

仰家舊製邈難儔出入懷中不計秋揮霍忽驚蕉葉裂  
動搖還見笋梢抽何須改作開生面曾擅佳名喚聚頭  
憔悴形骸剛稱我藉驅殘暑亦風流

買菊二本一黃一紫

西風撼撼獵庭前夾竹桃殘叢桂薦不忍客懷添索莫  
要謀老圃助幽妍兩株擔到堪娛眼雙塤栽來卻比肩  
那羨朱門姚魏種晚香最耐沈寥天

重九集攬翠閣

層厓扶屐上傑構倚闌同斜日開平楚長林動晚風香  
來叢菊外秋入酒杯中且作持螯計無勞歎轉蓬

贈黃莘田明府二首

早聞陶令拂衣還卜宅鼇峯日閉關家具誇張畱十硯

圖經蒐討補三山

明府性嗜硯家有十硯齋又輯福州府志爲潘敏惠公所賞

鬚眉

合遣屏風畫心迹常隨鷗鳥閒清德才名兩無媿從游  
自悔廿年慳

香草齋前接履綦了無世態見襟期軒窗明淨倪元鎮  
金石收藏黃伯思萬卷生涯聊自遣百年風義是吾師  
清詞麗句長畱在夜夜珠光燭海湄

哭金存齋三首

潘家會食姜家被友愛何曾讓古人腸斷人琴今已矣

阿兄頭白倍含辛

謂哲兄  
士白

十里蘋花蕩野航高情多寄水雲鄉重吟白鴨紅菱句

不負南湖一瓣香

存齋早年嘗客茗溪有近水家家養白鴨迎船處處賣紅菱句吳興風景

宛然樊榭  
師極賞之

名酒家儲二十年歡場有約菊花天而今華萼堂重過

總泛觥船也泣然

今春士白招予及董浦金門小集適事阻未赴存齋笑謂金門曰家有二

十年越釀西顛流涎久矣秋時當再觴之金門轉以告予乃未匝月而君已捐館舍矣悲哉

查集堂以所畫蘭竹及滄酒見寄至閩賦謝

將母辭簪紱迨歸沽水濱陔蘭香一徑慈竹秀三春至  
樂幾人有緘情潑墨新獨憐閩海客張壁轉愴神

酒經評甲乙第一數滄州味在半酣得香於無意求防

偷勞手識未飲已涎流預恐朋尊盡朝朝望海舟酒載海舶

而來

### 哭湛定二首

緘書方問疾忽動寢門哀如此人長逝誰能心不摧憂

讒羅隱老作奏馬周才十載緇衣好還憐聚義臺澹園宮保

七月初二日歿於任君於十五日恒化相距十三日耳

儉歲頻年邁衰親八十強長貧依子舍未忍去家鄉文

字飢難煮晨昏黯自傷分金進江鯉此義不能忘

### 坊口紀事

夏閏六月浹日雨官閣正喜延清涼元戎忽奉使粵

詔相邀二客同治平聲裝書帙散亂不暇整裘葛拉雜填

巾箱詰朝拜疏出南郭泥沒兩骭輿丁忙烏龍江頭風

浪惡一帆急渡彎弓張行行月黑指坊口房舍偪仄棲

東廂豐廚膩鼎那復顧且攤蘄篔眠匡牀誰知入夜雨

腳大前簷後簷鳴琅琅自子歷丑勢轉橫直下萬丈傾

銀潢悸不成寢敲火起我僕卻走呼倉皇繞榻水漲逾

一尺雙履汎汎鳧鷗翔便思跣足下堂避轟然又塌郵

亭牆人生休咎有前定彭宣豈即沈沅湘翹關健兒徒  
紛竄試艱歷險庸何傷煌煌

天使神所祐罔象潛遁馮夷藏統如五鼓水歸壑刹那  
之頃分滄桑嗚呼廿年行役十萬里自哂何苦疲津梁

移寓嵩山書院

堆案文書喜盡拋長林暫借一枝巢劇憐倦鳥難高舉  
且學山僧自打包去路漫愁灘石惡離堂拚醉燭花交

遺編珍重歸帆載手拓晴窗細細鈔

鄭半桐院長以先  
公筠谷先生遺集

見囑  
校訂

洪山橋曉發書懷

對此茫茫感百端霜風悽緊刺眉酸星奔長路愁元老  
新將木嫁前年應達官喀制世事莫將夷險論交情真  
覺去畱難乞歸不是偷閒計鷗鷺尋盟未敢寒

建陽舟中

水口之驛湖南浦計程五百九十五大灘小灘石巉巖

灘名醜俚不足數其間黯淡同萬石

俗稱阿彌  
陀佛灘

橫互中

流虺如虎上灘六鷁作退飛下灘一葉驚濤舞長年三

老鐵梢公

諺語紙船  
鐵梢公

到此神悽少勇賈遄歸買得清流

舟半月纔過建寧府林寒山肅水亦涸十步停篙五閣  
艣曲身篷底日復日思欲奮飛乏健羽有客欲盡鏟嶙

响一帆直達無纖迂有客作奏乞天公漲起灘頭三日  
雨書生懊惱願莫償布被蒙頭睡過午世閒遲速豈由  
人勸客有酒須當酤葉坊以上好溪山脩竹連邨映茅  
戶洲渚迴環峯影合暮靄朝霏畫難補浴緣一櫂頗足  
娛况說今年富稻稌跋鼈十駕會須至莫賦人間行路  
苦

槐塘詩稿卷七終

